

續華州志

光緒壬午年鐫

劉域題籤

卷之四

賢裔傳

馳封攷

流寓攷

郡賢傳

科貢攷

例貢述

入宦述

博善述



賜進士出身奉直大夫知華州事

蒲坂

馮昌奕裁正

同知欽浦羅 斌

判官瀋陽胡觀賓

學正關南張 拱同評

東厓山人劉遇奇續次

人物列傳

賢裔傳

明高閒逸士郭公

續華州志卷之四 人物列傳

公諱宗周字允穆號象坪一號高閒逸士方伯公

冢子也能詩孤懷平恕不囿于俗嘗有詩云寡合

非關傲孤高敢自閒時郡侯孫公素性寡合獨微

公詩且曰郭生華下棲逸高士亟欲見之乃囿孫

謝不見亦終不報孫侯重之父方伯公備兵雲中

公往省過鴈門歷上谷度居庸涉渝關以北海之

誼投刺少保安肅鄭公公與之論文上下古今口

若懸河詢及雲中凡邊務兵狀如指諸掌鄭公奇

之與方伯公書曰郎君公家飛兔豈直千里駒哉

善事父母無間言一遇藻雅名流揮塵娓娓竟日

傾倒不倦且生平好施予萬歷丁亥闕輔大飢公
饗殮以待飢民全活甚衆子姓有貸百金不償者
悉折券終不形于色嘗構齋命曰高閑四列圖史
嘯傲其中若將終身焉公詩宗漢魏盛唐尤好孟
襄陽書倣右軍曹娥諸帖常以靖節自況所著有
高閑齋詩草

明四川恤刑郭公

公諱宗振字允震號九嶷爲方伯公叔子秉性耿
介萬歷癸卯舉于鄉初授河陽令河陽衛邑也地
當午道官商絡繹供給盡出民間公至廻曰以子

續華州志卷之四 人物列傳

遺而克無盡之費其何以堪力革去之邑有額外
之征幾四千金公詣上臺悉請罷兩臺交薦調太
邱時多巨室難治公以禮接不設岸谷有一公子
奪人田逼婦自刎公竟制以法境多盜懸金都門
約獲盜者予之後有獲者給之無愠色其信于民
概若此十膺臺薦轉壽春守境內萑苻之徒欲作
亂聞公至散去郡北居民患水竟亡公捐俸五百
金架屋招集歸者六十餘家人名之曰郭公集公
常過此無老幼往迎者若依慈母焉郡地間多荒
積公招撫之給牛種寬稅賦蓋亦漸次開墾時大

旱公屏居齋心禱蜡神甘雨大注一郡頌爲誠感
未幾丁母艱服闋補右丞會 上命祈雪公立壇
步禱瑞雪紛霏遷比部郎公曰西曹雖冷關係匪
輕凡檢驗吏牘必堅楮印鈐謹敬罔懈大猾歛迹
有言官陳贖軍之奏公疏立諍朝論是之丙子卿
命恤蜀公如境知有二黠將納賄遁賊前案大辟
久定居間爲開釋者公勵聲斥曰開釋此案天地
祖宗罪人也執法如山凡可開者無滯不可開者
仍舊曰朝廷欽恤大典雖上天春溫不乏秋肅如
不忠不孝獲辜于天寧可恤乎後旋里于癸未殉
難著有正氣歌並慈玉堂雜記

明徵辟郭公

公諱宗昌字允伯號宛委修髯批爽幽懷絕塵風
神秀朗爲方伯公少子年七齡有大人風度不屑
羣兒伍及嬉戲磨瓠篲作碑鐫字摹榻得晉人筆
法宛然碑版也方伯公大異之十二負笈就外傳
非省定不歸十八補弟子員下幃讀誦博覽經史
及秦漢諸名家言坐不釋手爲文得左國司馬法
卓然名世一時諸公結社南坻公首焉嘗避喧就
靜闔地建閣顏曰松談登臨嘯咏著書其中遂著

松談閣稿金石史筆史印史二戎記六齋疏諸篇
青門諸君子樂爲過從延入社青門編簡一出士
林推重爲園二華之間命曰泚園遂自號泚園生
感時言志日久成帙名曰泚園雜著自爲記以紀
其勝今泚園有石幢公隸書且工楷四方求書者
壘篋應接不暇爲制科斗入闈不第丙子徵辟入
京與諸名流結社都門朝夕倡和雖其中素有名
重一時擅人倫之鑒見公詩文亟口不置寓數載
僅得候題中書科不就飄然言歸益肆力藝苑咏
什日富每製一器巧奪天工人爭效之朝川真跡
亦公隸書所著松談閣泚園雜著并虹嶼先生刻
于郡其二戎記六齋疏藏于家

明典籍王公

公諱承祉改諱廡字雲肥方伯公仲子性敦厚和
平善屬文能詩年甫二十補郡弟子員由郡學生
太學授國子監典籍奉勅册命于蜀一時灑灑峨
嶻之秀亦喜藉觀三輔聞人焉居家三十餘年嘗
憇孔園優遊咏歌詩文自娛絕不與于世事所著
有雲壑集杏灣詩

明鄕城王公

公諱永祚字元昌別號兩穀翰林公之長子生而聰敏七歲通書理九歲能文十二能吟詩十六爲督學沈公所拔識冠儒童補郡弟子員舉德行者五有聲三輔間于崇禎甲戌貢入太學乙亥會特旨徵應保舉爲民牧蒞任山東鄒城縣居官省詞訟減催科愛民如子及歸里之日乘款段馬而鄒人贈有蕭蕭行李不成扇之句公平生孝友本于天性立身行己以謙恭自持忠厚待人動容周旋無不中禮所著有嘉卉園集北游草蘿窻晤言

國朝

續華志卷之四
人物傳

五

衡永分守上湖姬公

公諱琨字雪石號龍山以父忠烈公膺入成均初授民部簡校歷官順天別駕晉秩秋官主事轉地官主事出爲昌平糧儲時會計如額卽擢民部郎中又出爲榆林糧儲公未蒞任時兵有庚癸之呼公多方籌慮捐贏中積貲千金給散爲芻芟芟粟之用權爲安挿後上奏請 詔創立鍾官鼓鑄泉貨融通不惟權宜之便抑亦永久之利也復命還又出爲江南蘆政時兵燹之餘民去其鄉荒蕪不田公招徠流民勸諭開墾不數月而豐草盡爲禾

季國儲不乏由是報最遷保定憲使境內多盜劫
奪客商公盡緝拏行者便焉公勲績茂著才德過
人轉陞衡永上湖甫下車實心實政嘗以廉平風
口碑載道公嘗登衡山有石船其形與木埒相傳
飛來船云卽如洛陽之名開陽門而爲琅邪開陽
縣之飛來柱也游者題詠極盡風雅眞擲地金石
聲矣公遂留題曰嶽靈洵洞天此事亦奇異旣是
飛來船因何飛不去公甫去後而船忽不見後報
聞公驚詫之遂有張翰秋風之思迺解組歸卽此
老

祁縣王公

公諱唯籌字梧蔭爲按察公季子善屬文能詩好
潔順治戊子鄉薦榭首授山西大原府祁縣蒞任
簡慎知大體雖後之事業迥不可量卽遙聞開渠
別姦一二事有能吏聲可以知其餘矣

補賢裔傳遺

陝西通志云金郭寶玉字王臣華州人唐中書
令子儀之裔也通天文兵法善騎射金末封汾
陽郡公

續華州志卷之四 人物列傳

七

賜封攷

宜良臣以子訓蒙

封文林郎峩眉縣知縣配李氏蒙

封孺人

訓進階妻孟氏
封如母

萬歷十七年正月十八日

郭從仁以孫性之蒙

贈中憲大夫山東按察司叅政配劉氏繼配侯氏

蒙

贈淑人

性之進階妻東氏
封如祖母

萬歷二十一年十二月初十日

續華志卷之四
人物列傳

郭岫以子性之蒙

贈中憲大夫山東按察司叅政配王氏蒙

贈淑人

性之進階妻東氏
封如母

萬歷二十一年十二月初十日

馮祐以子應樞蒙

贈徵仕郎四川都司松潘衛經歷司經歷配魏氏

蒙

贈太孺人

應樞進階妻王氏繼妻王氏
封如母

萬歷二十五年五月十九日

王鸞以孫維英蒙

封昭勇將軍配武氏蒙

封淑人

維英進階妻侯氏
封如祖母

萬歷二十五年十月二十日

王萬交以子維英蒙

封昭勇將軍配武氏蒙

封淑人

維英進階妻張氏
封如母

萬歷二十五年十月二十日

高惟一以子位蒙

贈刑部山西清吏司員外郎配王氏蒙

贈宜人

位進階妻張氏
封如母

續靈州志卷之八人物傳

萬歷三十四年三月二十日

王榮誥以子振祚蒙

贈大理寺評事配劉氏蒙

贈宜人

振祚進階妻賀氏
封如母

萬歷四十二年九月二十七日

天啟元年九月二十九日復蒙

誥封中憲大夫配劉氏蒙

誥封恭人

振祚進階妻賀氏
封如母

崇禎元年十月初四日復蒙

覃恩進階奉議大夫資治尹

誥贈山東按察使

郭性之以子宗振蒙

贈正奉大夫正治卿配東氏

贈太夫人 宗振進階妻王氏 封宜人

天啟三年九月初六日

王吉兆以子庭諫蒙加

贈太中大夫配楊氏

贈淑人 庭諫以覃叙授階文林郎妻東氏 封安人

天啟四年九月十二日

李尚賓以子燦然蒙

續華州志卷之四 人物列傳

贈文林郎齊東縣知縣配王氏蒙

贈太孺人 燦然進階妻母氏 封孺人

天啟六年三月二十九日

姬籙以子文允蒙

封文林郎滕縣知縣配史氏蒙

封孺人繼配党氏蒙

封孺人 文允盡烈 贈太僕寺少卿妻杜氏 封恭人

天啟六年十月十九日

王庭憲以子鴻誥蒙

封文林郎獲鹿縣知縣配張氏蒙

封孺人

鴻誥進階妻种氏
封如母

崇禎九年三月二十九日

姬文引以子琨蒙

贈中憲大夫配杜氏蒙

贈太恭人

琨進階承德郎妻宋氏
封安人

崇禎十五年八月二十五日

國朝

張爾學以子鯤翔蒙

贈工部營繕司員外郎配王氏蒙

贈太宜人

鯤翔進階妻張氏
封宜人

增臺州志卷之四 人物傳

順治十一年五月十五日又

順治十八年八月十六日

贈張爾學工部虞衡司郎中配王氏蒙

贈太宜人

馬明綱以子思才蒙

贈奉政大夫配宋氏蒙

贈太宜人繼配杜氏蒙

贈太宜人

思才進階妻王氏
封宜人

順治十八年正月二十八日

補貽封攷遺

史記云漢高祖賜曲周侯酈商食邑武成六千戶正義曰縣在華州鄭縣東

又云曹相國世家云叅將兵守景陵二十日三秦使章平等攻參參出擊大破之賜食邑千寧秦

又云漢景帝時吳楚反雋不疑以二千石將兵擊之乃封不疑爲塞侯索隱曰案塞國名今桃林之塞也

顏氏家訓序云顏昭甫字廣烈三傳至侍讀曹

續華州志卷之四 人物列傳

三

王屬贈華州刺史

陝西通志云南北朝趙超宗贈大將軍華州刺史諡曰成伯

萬姓統譜云隋達奚震字猛略少驍勇走及奔馬雖出自膏腴少習武藝然頗有政術天和三年拜柱國建德襲爵鄭國公

陝西通志云唐進封魏徵鄭國公特進知門下省事

又云唐華山王高凝神武第十三子天寶初封又云華山公李延孫伊川人以戰功封

萬姓統譜云唐嚴綬擢進士第官至尙書右僕射荆南節度封鄭國公

陝西通志云宋趙隆字子漸成紀人贈鎮潼軍節度使命詞臣製碑帝篆額曰旌忠

萬姓統譜云元崔斌馬邑人魁岸雄偉善騎射尤攻文學而達政術世祖時累官江淮行省左丞危言讜論無有所諱嘗行省湖南潭人爲立生祠及卒追封鄭國公諡忠肅

又云元崔瑛宏州人剛直敢言世祖器重之累官御史中丞刑部尙書上疏言時政多見施行

續華州志卷之四人物列傳

十三

成宗時至平章政事卒追封鄭國公諡忠肅

陝西通志云元雷貴高陵人兵起父母逃難失去貴不避鋒鏑得父子鄧得母于終南女觀中張氏姑一子而寡亦失于兵貴在邠地備金往贖養以終身其子長乃均已子分其業縣令以貴才賢舉監稅官宣撫司辟爲縣丞歷任六縣皆有異績能猛不殘義寬不宥姦卒年六十六後以子禧貴贈奉訓大夫華州知州飛騎尉高

陵男

人物列傳

流寓攷 有說

嘗讀明一統志輿圖備攷諸書有流寓而華志無之前代莫可遐攷矣茲特錄其最著者補之垂爲後世之鑒以示先賢發跡之奇使其子孫可按世而攷焉遷幽遷岐遷豐非永世之著蔡乎

陝西通志云漢蔡順字君仲汝南人少孤事母至孝王莽末中原大亂順奉母西入關遷居華西豐原鄉

華州志卷之四 人物傳

十四

一行傳云五代鄭遨聞華山有五粒松脂淪入地千歲化爲藥能去三尸因徙居華陰欲求之萬姓統譜云元東良會鞏昌人以總管守商州值紅巾亂令二子挈家一居華州一居朝邑曰吾受土地于國義當死守竟死于官其後華與朝邑繁衍興盛衣冠詩書爲關中華胄故關中稱東氏爲玉林鳳羣世希有焉

元華州王憲副公

公諱伯牙世居昌平由進士歷官河南按察司副使明初左遷遂家干華因世爲華州清寧里人其

子名得至孫徽中宣德壬子科知真定縣五世孫
贊中宏治乙卯科知太寧縣尋遷科道贊兄宣中
宏治戊午科知海門縣六世孫維楨中嘉靖辛卯
科登乙未進士歷官祭酒八世孫庭詩中嘉靖辛
酉科登乙丑進士歷官湖廣左布政詩弟庭讓中
隆慶庚午科登萬歷庚辰進士殿試第一甲第三
名歷官翰林修撰讓弟庭諭中萬歷丙子科登庚
辰進士觀政銀臺弟庭諫中萬歷乙卯科歷官戶
部主事九世孫鳳彩中

國朝順治甲午科其間由鄉貢出身者七人曹監出

續臺縣志卷之四 人物列傳

五

身者九人列在郡庠者五十餘人不十傳而子孫
繩繩濟濟爲關中名門右族貽謀不遠且大哉

明刑部左侍郎張公

公諱錦成化乙酉舉于鄉己丑進士歷官刑部左
侍郎居岷州衛其子曰潛宏治壬子舉于鄉丙辰
進士歷官山東左叅政居秦州善篆法悟籀文之
妙後寓華世爲故縣里人至二世孫曰之桀嘉靖
壬午舉于鄉以廬母安人墓旌表孝行崇祀鄉賢

三世孫曰光孝嘉靖丙午以省元如試鄉舉第二
名累厄北上授知河南西華縣四世孫五人曰士

遇爲郡學生早逝曰士度選貢授開封府通判曰
士龍歲貢授榆次縣訓導曰士鵬歲貢歷官歸德
府教授曰士鯤萬歷乙卯舉于鄉授良鄉縣調沁
源縣五世登科第俱著詩文集至世孫曰世錫能
詩善屬文工楷草篆今修陝西通志六世孫曰重
俊通五經曰重义曰漢明曰洞明曰濬明曰自浩
俱能詩工楷草善屬文七世孫曰延曰建衣冠彬
彬有聲岷州衛裔鄉貢聯翩今

國朝康熙丙午象斗又登賢書著有岷州志張氏族
譜琳瑯璀璨金石同聲所謂華嶽鍾靈岷山毓秀

續華州志卷之四

人物列傳

去

一門之盛慶登長祥關中之巨族云

人物列傳

郡賢傳

明戶部主事王公

公諱庭諫字正卿號蓮井由郡學生選貢入成均爲督學許敬菴姜養仲李茂嶼尹惺麓司成曾植齋大宗伯馮琢菴相國李九我諸先生所拔識早負銳才居然名儒九歷秋闈萬歷乙卯公年四十七始舉于鄉典試周公潘公監臨侍御史龍公大慶得人三歷春闈不第于壬戌歲授河南輝縣治邑四載考績最旋擢東城兵馬指揮遷戶部主事奉勅頒蜀抵家未踰載還朝管西新倉疾作不祿位不稱才年不酬德惜哉著有松鱗館稿四書詩經訓故百泉蘇嶺小紀

明山東觀察王公

公諱振祚字熙寰以書經中萬歷丙午鄉試登丁未進士歷官山東廉憲覃恩進階奉議大夫資治尹累舉卓異擢山東左布政使致仕歸一介不取清白傳家居鄉恂恂謙抑自牧寒素無異儒生有古君子遺風焉

明山東觀察孫公

公諱紹統號華屏忠孝成性溫恭天植萬歷癸卯
舉鄉試登癸丑進士初知威縣丁艱服闋補河南
浙川縣調繁知杞縣行取考授戶科給事中歷陞
禮科都給事中題陞太常寺少卿正色立朝不避
奸佞不樹黨私舉朝憚之後擢山東濟寧道右叅
政料理兵河驅逐亡叛郡邑悉安尋遷山東觀察
使及告病歸里居鄉數載事繼母至孝內外無間
言士林重之至病卒蓋棺之後人猶有餘慕云

明四川夔州府知府高公

公諱位字宜卿號敬菴穎異邁等英姿秀發十歲

續夔州志卷之四 人物傳

六

能屬文博通今古萬歷癸酉登賢書初授寧晉縣
推誠任賢民懷吏畏居政七年及去遮道者衆公
曰汝違 天子命乎吾一人何戀焉民泣留竟弗
得乙未誥贈文林郎陞順天之通州蒞任嚴去羨
餘民甚德之又捐俸給兵遂無庚癸之呼庚子誥
贈奉直大夫轉遷淮安府同知有本地軍民保留
前後九載改轉永平府同知行取刑部山西清吏
司員外丙午誥贈仍階轉戶部浙江司郎中出晉
知四川夔州府案無擾政民歌孔邇因疾解組歸
焉公秉性正直居鄉平易至宗族有不能祭葬者

助之里人高其行謹得壽七十有六卒于家

明同知太原府李公

公諱燦然字爾美公美髯少勤詩書居家以孝友聞萬歷癸卯舉于鄉嘗構一園日下榭誦讀州郡請謁不與通姓字初授山東齊東縣居官狷介不畏彊禦權貴歛跡德政素著考績以稱最云欽賜勅命有曰才優百里節凜萬鍾化被鳴琴初仕守莒芋之素威行拔薤四郊有鴻鴈之安秩晉山西太原府同知出鎮偏頭關任二載撫民有紀馭兵有法時爲魏中涓立祠公挺挺不屈人以爲禍及而公怡然自若也會丁內艱歸里居喪哀毀骨立及服闋赴銓病卒京邸公靜默寡言笑負氣多慷慨矢志名節不阿時好所謂靖共爾位好是正直者也

明同知楊州府曹公

公諱國寶字興吾少嗜學日夜不倦每以聖賢自期號曰聞人及補郡弟子員風裁爽秀翩翩有出塵之想嘗拾金還之人德其高雅一時及門之士如王綸音先生皆受業焉絳帳談經稱爲得人萬歷丁酉登賢書初授河南郟縣風厲有聲時邑有

麴葉益稅起稅之弊公痛革之至于省刑薄賦尤其亟亟也邑才蔚興應試限額不無遺珠之歎公議學使者前有增額之擢至今士林懷之公治行卓犖挺挺不羣嘗爲銓部李公見重及遷楊州邳邑薦紳學士去思勒碑頌公有曰理盤錯之才守廉介之清整操兵之能擅有三長其餘可概見已至蒞貳尹佐理有方洵得贊府之體及鞫審河盜未嘗不矜恤哀痛法外施仁以至寇盜屏息皆沐公化未幾告老致仕解綬以歸而琴鶴翩翩綽有清獻風度抵家嘗講一園名曰長春優遊林泉輒以終老公性簡靜慎介言笑不苟嘗養高自重絕跡公府鄧公欲見之弗得居家平易近人姻戚愛慕有一子早亡二女公不分子婿待如一體施藥濟人疾者見惠得七十三壽卒于家

明同知建寧府王公

公諱鴻誥萬歷戊午領鄉薦初任無極令甫一載政治有聲調繁知獲鹿縣訟理民安卓然治平勅封文林郎晉秩福建建寧府丞捕賊有績加陞漳南道後解綬歸里優遊田園云

明雲南尋甸府知府郭公

公諱宗憲字允橫別號諫庭萬歷丁酉舉于鄉生而純孝介性天成恂恂退遜不以賢智先人及授廣平令治行清靜嚴肅不尙鈎鉅而民自畏服再轉容城端方正直卓異上聞德政去思碑疊有所見由是首膺擢薦推陞丞平府管糧同知公以清直始終不渝適有徵催罰俸之條公申請閣部告歸閣部孫公承宗批云應罰之俸卽以本閣部俸代納該廳其安心事事至署府篆外稅銀皆羨貲公悉捐充兵餉于本府建造書院作養學校尤其亟亟也迄今遺趾尙存府士咸德公舉名宦配享

公冰心鐵面不徇私囑名譽日彰遷公刑部四川司員外尋遷本部雲南司郎中金商吳姓者以盜買內庫珠暮夜餽萬金求宥公立叱去復托當道諸公力爲求解莫釋閱三日出公爲雲南尋甸府知府未任卒于家公立朝小心翼翼清正不阿其狷介方正類如此

明保寧府司理潘公

公諱學曾字省予萬歷壬子舉人癸丑進士甲寅謁選爲保寧府推官公爲人孝友肫篤鄉閭式之文章務攄其獨得每操一觚不嘔心不已居官政

尙簡靜恒謂國家繁費百出所在蕭條奈何不力
敦節約以舒民困其何能堪每所行部凡厨傳備
具一一罷之訊獄剖決如流務至誠悚感得情率
與以寬一時有神君之謠值丙辰猗賊流劫郡邑
患之諸藩臬大夫倚公監軍督餉公拮据矢石間
指授方略遂獲渠魁兩川胥寧宇焉當事者方上
分勞勤擬不次擢而公竟以積瘁故後大中丞薦
公有云最可惜者籌兵振武績奏戎行忠決身勞
殞由軍務宜厚恤以勵忠勤卽此可以知公已

明永平府司理宋公

續華州志卷之四 人物列傳

三

公諱學程字肖明少嗜古能詩居性慷慨樂善人
爭慕之崇禎庚午領鄉薦以親老初授山東沂水
令治沂愛養士民有廉吏聲會邑有蝗災公積誠
禱之蝗輒遠不爲害隣邑蒙陰素逋欠臺司稔知
公才借署治之不煩夏楚賦完報最尋遷永平府
司理欽恤明允獄無冤輒有于公之謠

國朝初制臺孟公委公署道關南甫離涓瘵民生沸
騰公撫循有方安若貼席至今金川諸邑猶頌公
賜不衰著有香溪洞燕晉新哦諸詩

明安州張公

公諱遂號伸吾博涉經史無有間志萬歷戊子舉
于鄉初知山西芮城縣治芮平恕邑人祠碑以誌
遺愛晉秩知霍州時霍地狹民窮皆瘠原峻坂近
州治西臨汾水不無泛溢公善爲撫摩息訟平戎
設書院除驛弊救荒治水賞善懲惡備載宦海卮
言公治行稱最轉山東安州守抵安方兩月而俗
蒸蒸漸又忽染恙旋里安民泣涕不忍令去羣相
嘆曰龍蛇之歲賢人隱民無福也雖治未幾民猶
懷去思云

明永寧宜公

續襄州志卷之四 人物列傳

三

公諱訓字孟庭年十二喪父性姿慧異嗜學以恩
貢授峨眉邑時邑山南多水嘗濫山北旱魃爲虐
公鑿山引水蓄洩有法灌漑民田數百萬頃此萬
世之利也南北之民胥賴之生祠感德迄今過其
地者猶見遺跡云後滿三載誥封父母遷山東東
昌府判士夫遮道弗忍令去及抵東昌訟無疑獄
賦有正供抑彊扶弱興利杜弊洵爲善政報最秩
晉永寧知州因母老告養旋里著有誌銘世系圖

明沅陵張公

公諱三汲號禹門篤志好學沈酣經史諸督學重

其才品累冠多士郡中以易經取科第者多出其門萬歷丁酉鄉舉居父喪廬墓蔬食猶爲太守竇公所重以母老祿養筮仕天長縣勺水盥心蒲鞭示警且地近淮陽俗尙侈靡公以清靜寧一治之期月而民孚其德化尋丁內艱起補沅陵縣實心愛民訟簡刑清甫及一年以子必大中壬戌科進士致政去任百姓遮道泣留三日不得出境邑人愛之建生祠四所于沅江之陽歿後十有二載鄉紳吳學孔舉貢王大受等公舉名宦有易經心解行于金陵房刻

續華州志卷之四 人物傳

五

明密雲衛教授張公

公諱士鵬字叔上號天池由郡學生萬歷己卯副榜乙酉歲薦授直隸清豐訓導端方正直博學深厚時分守臨鞏從心李公重公文藻乃以書及云近屬如公奕葉名家博學淵淵筆陣華彩誠吾友也風雅光前作述相映秦中才賢豈易得哉歷遷河南歸德府教授轉密雲衛教授古鄭之士法其詩字有曰李杜鍾王復見今日非公之驚人草聖有如是乎歷任十載當路者每有未得風憲之選爲嘆先時公從游馮少墟先生直窺心傳之秘書

帷萬卷兼收落筆千人辟易真不媿乃烈祖先公
云著有嚴十齋集餘篆隸楷草並擅其長

明良鄉令張公

公諱士鯤字北溟號丹崖由郡學生于萬歷乙卯
舉于鄉授良鄉縣幾二載縣治衝繁勞以成疾調
山西沁源縣位不滿才遂乞請歸旋里日與泚園
郭髯公談詩論文公素揮灑思如黃河滾滾不竭
其品質清奇識見淵博然才不敵數竟以一令而
終傷哉公嘗靜攝園齋掩關尚友時以著述爲娛
叔祖父明德著有世編歸來草柏巢生咏竹韻庵

集

續華州志卷之四
人物列傳

五

明都察院觀政進士梁公

公諱都汴字經原丰姿俊秀儀度顛印鬚長髭美
蓋頤而髯者也飄飄若神仙中人不亞令狐楚當
年天性至孝承顏順志閭里共賢之博通淹雅詞
賦雄奇以天啟辛酉舉于鄉登崇禎甲戌進士都
察院觀政居家數十餘載以疾未獲筮仕能甘澹
泊平易近人毫無有宦氣則公之識度縝密器量
淵凝不充詘于富貴不隕穫于貧賤而鄉族姻戚
無不以媿睦著稱也蓋棺之日聞者多爲感惜云

華諸生于崇禎癸未公舉鄉賢祀聖廟著有肖
心稿蘭若寺碑記

明文水武公

公諱清周字永之號鄭野性負敏姿筆無滯氣嗜
古如飴每停披不倦領萬歷戊午賢書數厄春闈
不第公慨然曰士期用耳必柳汁染衣之貴也楊
忠襄陳恭毅何人哉遂謁選天官蒞文水公至見
璜舍圯捐俸更新建書院集士日爲課業以故邑
士逞逞蟬聯鶡起至今士林德之邑多萑苻之盜
公加意相機殲之撫之無不率化時諸臺使悉交
口公攝交城時交城爲寇所破命公攝之悉捐囊
金招撫安集無不稱快又調汾陽考稱最後以小
失去去之日民攀卧泣留咸爲公負抑而公怡然
自若蓋公二親在堂公喜解條籠着斑斕衣垂白
效孺子啼也公天性至孝居鄉平易無忤于人亦
無間于宗族時聞其風者猶景慕不置

國朝

工部虞衡司郎中張公

公諱鯤翔字鵬九以順治乙酉舉于鄉丁亥登進
士授合肥縣政治民悅交章九薦遷工部主事也

權荊州以應稅諸項定爲荆關則例一書劄劄傳
後永無踰額楚人勒石頌之再權蕪湖有羨餘令
不自私悉報聞用助國需再遷工部員外督修奉
先殿有功賜緞花三次嘗迎父至任定省有禮事
繼母党至謹待仲季友愛篤摯至丁內外艱四年
杜門謝客不一投刺時從政關內者咸謂公天半
之鶴殆可望而不可卽也起復補工部虞衡司郎
中加二級卒于官著有途詠詩

亳州劉公

公諱澤溥字太室賦性敏亮丰姿岸偉美鬚髯能

續華州志卷之四 人物列傳

七

詩工草聖善屬文以孝表于鄉壬辰擢進士乙未
補亳州牧先時屢遭兵火民貧賦重新集未貼公
下車深心體察乃汰煩賦緩催科減遞馬禁客兵
兼以通賈惠工敦齒尙賢且嚴賭博而民知資生
警游惰而民知務本斥左道以端民之趨摘姦伏
以清民之蠹垂簾聽治肅清整潔卽紳衿非公事
未嘗庭謁時河南有神奸騰訟欲亂分疆公持之
甚力俱還舊額遠近咸服其英察會早公步禱刻
期降霖雨一境得蘇至于修城固圉立倉防饑釐
弊更化之事尤其表著凡此美政備載亳州傳略

旋以親老告養旋里卽數載後亭民感其德者迺製萬人衣以遙獻焉向非公之深仁厚德何以致此公今居鄉謙而光和而厚不履公庭人咸仰止者所謂半天朱霞雲中白鶴者耶

福安張公

公諱延統字元伯號昌南別號蓮岳大名公壽之七世孫學使者井公每器之試冠多士補學生崇禎壬午領鄉薦亞魁順治丁亥授宜川教諭署篆宜邑有豈弟君子之歌代黃龍廳事有盜息民樂之謠居廣文任凡七年宜邑勒鐫去思遷閩之福

續華州志卷之四 人物列傳

三

安縣時福安居海畔公下車甫一年教養丕著桴鼓不鳴臺憲將有不次之擢聞父訃哀音毀過情七日而歿于官邑人哀慕立祠奉焉鄉先生陳聖泰製遺愛文勒石道左著有槐堂南征諸詩

嵩縣李公

公諱星曜字並三號嵩鶴謚采詩賦尤精舉子業以順治戊子副榜拔貢授河南嵩縣公治嵩寬而厚仁而恕存大體務簡要有課士勸農輕徭薄賦諸政備載去思碑中有嵩民來關西迄今嘖嘖道

之

補郡賢傳遺

明西華張公

公諱光孝字惟訓號左華一號岳泉一號瓜仙嘉靖丙午以省元如試鄉舉第二名累厄禮闈授河南西華令公性愷慈務與民休息剔蠹興利毅然爲之西華稱最先時西華舊爲土城四面受水時修不旋踵而頽矣民甚苦之公議爲甃城疏請臺可遂計日鳩工三閱月告成每爲臺司見重稱其有良吏之才時西華世家有王生者爲養廝卒誣臺司成其獄公知其誣而力直之遂不爲寃雖王

續華州志卷之四 人物列傳

五

生誣釋而臺司恒忌公焉公藝文著聞憲使傅公慕之嘗與公論文出其篇以示公不爲諛傅公有恚色以他故罷公職公歸居二華間懸車林泉日以著書爲娛二載傅公左遷華守一日相見握公手云吾輩處世眞築版也方服公之文品無雙手云學究天人探微經史馳追屈馬李杜之場揖詞林名家而上下焉有丈夫子五人科貢聯翩皆承顏養志克肖詒謀公益得肆力藝苑優游林下著有左華集左華文集辛未集丙子集辛巳集癸未

集史亭紀事擬古樂府理學名臣傳

人物列傳 科貢攷

科

明萬歷十年壬午科一人

李為芝 癸未進士仕為江西九江府知府

明萬歷十三年乙酉科三人

宋士程 仕為和順縣知縣

馮志 仕為山西文水縣知縣

屈受善

明萬歷十六年戊子科二人

馮運隆 仕為鞏縣知縣遷威州知州

續華州志卷之四 人物列傳

三

張遂 仕為安州知州

明萬歷十九年辛卯科二人

李宏讓 仕為四川太寧縣知縣遷府同知

張應春 仕為山西吉州知州

明萬歷二十二年甲午科二人

王振祚 丁未進士仕為山東按察司使官至山西

在政使

袁鳴鳳 仕為山西靈邱縣知縣

明萬歷二十五年丁酉科三人

郭宗憲 歷官雲南尋甸府知府

張三汲 仕為沅陵知縣

曹國賓 仕爲揚州府同知

明萬歷二十八年庚子科一人

宋學郊 丙戌進士仕爲安平縣教諭

明萬歷三十一年癸卯科四人

姬文允

春秋魁仕爲山東滕縣知縣臨難盡節贈太僕卿諡忠烈膝華建祠春秋血食

孫紹統

癸丑進士仕爲禮科都給事中官至山東按察使

郭宗振

歷官刑部福建清吏司郎中欽差四川恤刑

李燦然

仕爲太原府同知

明萬歷三十四年丙午科一人

張光耀

仕爲易州知州

續靈州志卷之四 人物列傳

明萬歷四十一年壬子科一人

潘學會

癸丑進士仕爲四川保寧府司理

明萬歷四十四年乙卯科三人

馬玉

王庭諫

仕爲戶部主事

張士鯤

仕爲良鄉縣知縣

明萬歷四十七年戊午科四人

張必大

壬戌進士仕爲工部員外郎

王鴻誥

仕爲福建建寧府同知

李曜寰

武清周 仕爲文水縣知縣

明天啟元年辛酉科二人

王玉汝 仕山東嶧縣知縣

梁都汴 甲戌進士官都察院覲政

明崇禎三年庚午科二人

宋學程 仕永平府司理

楊久諫

明崇禎九年丙子科三人

杜良禎

東蔭裔

續華志卷之四 人物傳

劉澤溥 壬辰進士仕爲亳州知州

明崇禎十二年己卯科三人

張允祚

郭忱 國朝仕爲嶧縣知縣

孫明翼

明崇禎十五年壬午科四人

王康世

張延統 國朝仕爲福安縣知縣

潘躍鯤

吳養德

國朝

順治二年乙酉科一人

張鯤翔 丁亥進士 仕為工部虞衡司郎中

順治三年丙戌科一人

潘 琬

順治五年戊子科三人

王帷箒 第一名 仕為祁縣知縣

郭 熿 仕為寧化縣知縣

張衛獻 渭南縣籍 華州人

順治八年辛卯科一人

續華州志卷之四 人物列傳

趙光祚 仕為靖遠衛教授

順治十一年甲午科二人

王鳳彩

同化麟

順治十四年丁酉科一人

李名世

順治十七年庚子科一人

陳邃如 甲辰進士

康熙五年丙午科二人

党聲震

武維寧

康熙八年己酉科二人

党聲樸

史流芳

康熙十一年壬子科一人

薛桂

康熙十七年戊午科三人

楊顥 第一名

張雋

王廷城

續寧州志卷之四人物列傳

五

康熙二十年辛酉科一人

焦麟

康熙二十三年甲子科三人

張會慶 第一名辛未進士翰林院檢討

劉肅 第二名授內閣中書學士元敏號少室工書法善詩文著有荷齋集批詩齋詩稿學憲

許孫聖徵君王宏撰有序讀寧鄉飲大賓郡侯張公旌曰世德傳芳勉公旌曰盛世詞宗

呂正官

國朝武科

科

順治二年乙酉科一人

孔紹脉

任鷹揚衛左所千總

順治十一年甲午科一人

惠深

順治十七年庚子科一人

郭王畿

康熙二年癸卯科二人

王緒祖

續華州志卷之四 人物列傳

郭震華

康熙五年丙午科一人

張大義

康熙八年巳酉科二人

雷殷

張元開 渭南縣籍華州人

康熙十一年壬子科四人

苟張永

武廷翰

詹永鉅

姬紹武

康熙十七年戊午科一人

楊企震

康熙二十年辛酉科一人

梁遜

續華州志卷之四

人物列傳

美

歲貢

內附恩選

劉文晔

歷任周府教授

郭光緒

南陽府教授

張錫詔

三水縣縣丞

劉鳳梧

馬化麟

魏繼志

選貢歷官山西大同府司理

梁華屋

歷任四川寧番衛教授

宜論

歷任延安府學正

宜謙

歷任鄖陽府鄖西縣知縣

襄陽縣志卷四 人物傳

三

張志坤

楊俶東

劉榮

扶風縣訓導

李尙實

河南輝縣訓導著有藏山稿

張上龍

山西榆次縣訓導

焦繼統

李維章

宜川縣教諭

張星燦

汧陽縣教諭

羅一俊

曹紹彬

王承祚

郟城知縣

王庭誥

漢中府沔縣教諭

孫我慈

河南歸德府教授

張士鵬

鳳翔縣訓導

張憲載

王立綱

藺思志

吉三省

吉三重

郭宏業

授選四川南江縣訓導因亂未任今年一百歲

續華州志卷之四人物列傳

三

趙崇義

恩貢

李尙賓

仕爲城固縣教諭

劉文蔚

選貢仕爲保寧府通判

郭珂

汾陽裔選貢仕爲陝州同知

宋應期

韓府教授

曹禎

周府教授

李從儉

東阿縣主簿

史邦牙

鞏昌府教授

張宗舜

石泉縣教諭

古之廉

張所敏 寧羗州學正

郭宗述 歷官河曲縣知縣

劉禹通

宜良輔

張應震

李燦然 選貢仕爲江南宿遷縣縣丞

雒 瑛

武光烈

王成汝

李 陞

續華州志卷之四 人物列傳

五

孫 璣

東文榮

呂佐武

國朝

閻紹前

范堯化 安定縣教諭

于希龍 城固縣教諭

馬 璣 秦州學正

閻閻瑞

古師契

郭巍立

劉洙

商南籍華州人考授縣丞

孫方

薛國蘭

高漸磐

選貢仕為柏鄉縣縣丞

李先耀

李星曜

恩貢河南嵩縣知縣

馮士奇

選貢泗州同知

羅人望

恩貢考授通判

馬思才

恩貢歷官襄陽府知府

續華州志卷之四 人物列傳

陳斌如

恩貢仕林縣知縣

四

魏蓋臣

恩貢

王始禹

恩貢

賈國璽

張爾翼

溫師孔

雍永祚

恩貢

种起元

雷衍

李纘祖

王琛汝

王一璐

杜煌

張必泰

武桓

吉天成

冠帶生員

姬仰祖

王吉人

古人傑

謝毓秀

續州志卷之四 人物列傳

四

補科貢攷遺

宋

員逢辰

華州人登科見萬姓統譜

支詠

華州人寶佑進士見萬姓統譜

論九齡

華州人登科見萬姓統譜

金

侯庭翰

進士見靈濟昭祐顯聖王廟碑

明

郭林

洪武乙丑科進士見陝西通志

謝義

以明經任御史見陝西通志

續華州志卷之四

人物傳

聖

人物列傳 例貢述 入官攷 博善述

例貢述 附援例官 武職官 中貴官

高化 鴻臚寺序班

孫迎恩 霸州吏目

東英

劉士彬

王文煒

王屋籌

張拱辰

劉允華

鹽州志卷之四 人物列傳

王之佐 由廩入監鴻臚寺序班

三

閻繼賢

王繩曾 鴻臚寺序班

姬文敬

劉世美 考授 縣丞

王肇禹 考授 王吉士

武嗣徽 署寧夏中路同知 陳憲姚

何耀祖 王畿寧

劉養正 北直趙州寧晉縣百尺巡檢 劉進學 四川平羌驛驛丞

劉仕俊 山東兗州府京台縣河橋驛驛丞

援例官

援例醫學典科趙國英

蘭逢馨

陰陽典術

劉立威

劉文顯

僧正

呂定昇

陳義鐔

張定通

張善梅

張清俊

續華州志卷之四

人物列傳

四

羅資寵

武真性

王善政

郝樂瑞

徐壽才

善醫有隱德好施重新開元寺大殿皆出已囊以成之雖費數百金毫無慳吝之色可當于古人中求之矣

道正

張真能

李元光

王冲馨

張本齋

李德佩

相冲後

王正允

蘭正璧

同仁濟

壽官王

碧

以濟難扶危有德于里人而里人稱頌不置子曰琛汝翩翩才學食

鄉耆張希曾

義時華人以魯仲連目之德重鄉評好施尚義舉鄉耆四次

劉光裕

李起鳳

張潤居

李學顏

劉承基

張浩

方時志

李養秦

范紹淹

秦府恩榮官

杜從講

張希仁

秦府紀善

李天登

萬歷十四年輸粟百餘石賑濟督撫上其事恩賜壽官加七品服色壽八十卒

楊長梓

二舉鄉耆潼關盧公額其門齒德並茂州事趙公扁曰達尊有二云

續州志卷之四

人物傳

聖

劉應魁

號北河好施祠宇皆有捐助崇禎庚辰大饑出粟四十餘石賑之六舉鄉耆壽九十一歲

夢光

號西河四舉鄉耆德齒兼隆嘗賑饑恤災年踰八十而終

武職官

孫枝茂

密雲衛世襲指揮歷官大同府守備

焦煥

潼關衛指揮陞西安府屯司

夏文彩

山海關守備

王師曾

潼關衛指揮

王光祖

山海關指揮

岳世忠

浙江溫處道都司僉書管中軍守備

騫雲蛟 瀋州衛世襲百戶

李君代 崇禎三年奉旨押解內閣韓冊兵部尚書王霞等頭一十九人曉示九

邊欽賜守備征山東陣亡

李承燦 山海關義院口守備加遊擊崇禎末年寇至殉城

中貴官

車應魁 司禮監掌內外二印秉筆太監賜蟒衣玉帶

惠進臯 司禮監提督湖廣守備印務督修皇陵太監賜蟒衣玉帶

劉良 尙膳監掌紅羅殿事務太監

張詠 乾清官提督九門太監

徐毓芳 司禮監監官賜蟒衣玉帶

續肇州志卷之四 人物列傳

吳

董儒 司禮監監官

李輔弼 內承運庫近侍賜蟒衣金幣

賈應福 秦藩承奉司

袁祿 興平人官至人數司房因崇禎之變痛心改革遂寓于華祝髮爲僧居蟠龍嶺寺後居華州城之西郊人皆高尚其義謂袁公庵云

國朝

魏萬壽 遇仙里人 康熙間御馬監監官

補武職官遺

晉書云苻登時有馮翊郭質起兵廣鄉以應登
宣檄三輔曰義感君子利動小人吾等生逢先
帝堯舜之化累世受恩非常伯納言之子卽卿
校牧守之允而可坐視豺狼忍害君父裸尸薦
棘痛結幽泉山陵無松隧之兆靈主無清廟之
頌賊臣莫大之甚自古所未聞雖茹荼之苦銜
蓼之辛何以喻之姚萇窮凶肆害毒被人神于
圖讖歷數萬無一分而取妄竊重名厚顏瞬息
日月固所不照二儀實亦不育皇天雖欲絕之
亦將假手于忠節凡百君子皆夙漸神化有懷
義方含耻而存孰若蹈道而没乎衆然之唯鄭
縣人苟曜不從聚衆數千應姚萇登以質爲東
平將軍馮翊太守質遣部將伐曜大敗而歸質
乃東引楊楷以爲聲援又與曜戰于鄭東爲曜
所敗遂歸于萇萇以爲將軍

入官攷

魏懋修 朔州

楊遂 太原

楊世揚 雲川

史國鬻 太嵩

高承選 安東

羅賢 台州

宋琬 大同

張國相 太原

梁應魁 安慶

續華州志卷之四 人物列傳

吳

史記詩 揚州

王建鼎 濱州州判

党養善 趙州

楊騰秀 霸州

徐秦 涪州

王耀璽 蒲州蒲州志云為政寬廉不事刻覈人有軫恤民隱之意

薛鳴泰 貴陽

屈必伸 昌平

薛朝元 靜樂

張錫詔 三水

馮統程 臨晉以上縣丞

李淑統 滑縣

种廷文 壽昌

史官 東阿

徐應誥 靖安以上主簿

李仲夏 大興

劉澤遠 曲沃

魏嘉祥 浮山

劉逢祥 慶雲

趙國俊 新城

續華州志卷之四 人物列傳

种際茂 商河

孟良棟 鄒縣

趙國璽 永定

王應賓 濬縣

馮奇 嘉祥

劉紹祚 武清

秦光明 捷爲

趙諭 蘭陽

何從康 館陶

徐應詩 繁峙

李秉忠

清縣

王雲龍

蒙城

史雲憲

阜城

宜元泰

嵐縣甫二載政寬刑減惠民恤物一片冰心四野愛戴嵐人至今思慕

楊煦

靈壽

高承命

章邱

溫國輔

秀水

高尚壘

壽張

孫懋木

融縣

閻彥盛

資縣

靈山志卷之四 人物列傳

劉炳

江山

何之欽

靈山

雍啓後

博羅

王友虞

蒙城

王賓

梓潼曾捨地爲今西郊白衣大士堂

屈養伸

曲阜

王鐸

大治

賈瑾

曲江

趙毓暹

陽武

楊運隆

滿城

屈必揚 成安

李居叅 昌黎

陳浴新 孟津

嚴學孔 榮澤

雍士熙 於潛

趙鼎奇 虞城

鈔琦 金華

王思祚 房山

武祚鼎 曲周

薛國隆 武強

續華州志卷之四 人物傳

垂

張鵬斗 修武

高雲 鄆都

李茂春 恩縣

种起龍 武鄉

薛鳴陞 河曲

古師惠 魚臺

郭國英 內鄉

屈太伸 廣寧

李汝芬 夏縣

宋廷瑞 烏程

王梅 瀏陽

陳滌新 固始

時遇 樂陵 以上 典史

楊 開封 倉

雍維賢 大興 新倉

楊安和 山東在城所

劉光榮 四川保寧府神宣所

楊熙 南昌倉

古世爵 永豐倉

王文煥 河南稅課司

史一鋸 福建鹽課司

李懋德 蘇州庫

楊良貴 鹽課以上六使

魏仕道 六合

薛希芳 內黃

續華州志卷之四 人物傳

張一經 邵武

杜立正 金紫關

劉增瓚 許黃州鎮

古賀興

古賢樂安

古尚義 貌

古祖廕 順德

梁惟恩 車騎關

梁星光 沙溝鎮

梁大銖 濰縣

于宏兆 文昌縣舖前司

于宏基 應山縣平里市

劉自芳 金波鎮

徐允 寧海

張標 青家

時玉 丹陽以上巡檢

王允龍 潞安

于躍龍 東昌以上河獄

徐師韓 順德

張學振 池州

夔州志卷之四 人物列傳

趙國用 懷慶

李文炳 贛州以上照磨

高電 納谿

張一統 延津

楊文煥 王家莊

張應禎 翟城

史國馨 安山以上驛丞

天啓中寇至攻城時國馨代捕巡守中矢不變
色撫臣獎其功曰績著金湯云

徐希曾 泉吏冠帶

劉澄清 泉吏冠帶

楊崇廉

號清溪藩司吏冠帶事母常氏疾篤禱以身代後母疾愈廉得年八十三歲妻高氏事姑益篤得年八十一歲夫婦以經二物同日時偕老焉郡侯胡公旌其門曰夫婦同歸有中翰西蜀范公奉命入秦異其事贊云少華蒼蒼西溪洋洋難茲壽考一日偕亡為能承協乎桑章

杜

議 號望州居家 以孝友聞生
平有聲妻姬氏四德咸備

補入官攷遺

萬姓統譜云宋邢繹鄭人父惊宋知鼎州因家
焉繹以蔭入官連倅五郡後倅襄與師爭疑獄
因不仕起知興國軍秩滿歸武陵號復庵居士
又云明同邦彥華州人正統間開平衛經歷

補博善述遺

明一統志云馮夷華陰人得仙道化爲河伯郭璞贊曰稟華之精食惟八石乘龍隱淪往來海客若是水僊號曰河伯

淮南子云馮夷服夷石而水僊注曰馮夷河伯也華陰潼鄉隄首人

明一統志云隋楊伯醜馮翊人好讀易隱于華山文帝召與語竟無所答賜衣服捨之而去其論易辭義皆異先儒之旨而思理元妙出于獨得非常人所及

